

COMUNICATO n. 2318 del 27/08/2025

Di Provìntz vorst in famildje zo tüana pazaitn z'zala un zo vazza in abonamént

Abonaméntn in öffentleschen traspòrte vor di studjént von obarschualn

[Cimbro] Nemprantese di tang boda bartn offetüan di shualn vorgelekk vor atz 10 von herbestmånat, di Provìntz vo Tria vorst in famildje von studjént von obarschualn, vor di profesióaln o, zo tüana pazaitn z'zala in abonamént vor di öffentleschen traspòrte. Di tarìf vorz schualdjar 2025-2026 iz hèrta vo 20 euro, vor daz viarte khinn aubart, anvétze, dar abonamént iz gratis.

Pinn abonamént makma gian bobràll pitt alln in koriarn – saiz di sèlln vodar statt, saiz di sèlln auz vodar statt un pinn trène zbisnen in lentar vodar provìntz – àhevante von earst von herbestmånat sin atz 31 von snitt 2026.

“Di trentinar öffentleschen traspòrte, vo djar in djar, zoangse hèrta dar dienst mearar zornìrt von studjént von obarschualn zo giana ka schual. Azpe Provìntz haltpar az saibe gantz bichte sicharn in djungen un soinen famildje zo maga nützan di öffentleschen traspòrte zo riva ka schual sterchrante asó 'z rècht zo maga studjèrn durch di möglichekait zo mövrse frai zbisnen in lentar vodar provìntz. In da gelaichege zait, gebante zuar disan dienst in studjént, opfarbaren zo maga viazarn in an modo boma mag auhalt, mindrante di umvelteg un sotziàl zerom bodada anvétze khemmat z'soia pinn privat traspòrte” asó hatta khött dar asesór vor di urbanistik, enerdjia un traspòrte, Mattia Gottardi.

Ma vorst in famildje zo zala pazaitn bazta zuasteat un zo vazza in abonamént afte schaltarla vo Trentino trasporti odor vo Trenitalia. Zo bizza pezzar bia z'zala un bia zo vazza in abonamént makma gian aftn web portàl vodar Provìntz vo Tria afte sait:

<https://www.provincia.tn.it/Servizi/Abbonamenti-trasporto-studenti-delle-scuole-superiori>, boma mage vennen o bia zo haba in abonamént gratis vor daz viarte khinn.

Übarsetzt von Schaltarle vor di zung von Toalkamou vodar Zimbar Hoachebene

(cdt)